

Tortolì. Bene meda sa prima editzione de "Stella Maris Swim 2025" in sa Capannina



Domìnigu su 20 de mese de argiolas, in sa Capannina, ant fatu sa prima editzione de sa "Stella Maris Swim 2025", manifestatzione isportiva de nàdidu cun pinnas in abbas liberas organizada dae su Tzirculu Nàuticu Arbatassa ASD, in collaboratzione cun su Comitadu Stella Maris e cun su patrotzìniu de su Comunu de Tortolì.

S'initziativa faghet parte de su programa de is festas in onore de sa Madonna Stella Maris, e at bidu una partetzipatzione manna de atletas, apassionados e famìlias, promovende valores fundamentales comente s'isport, sa sotzialidade e su respetu pro s'ambiente marinu.

Is garas fiant partzidas in duos percursos:

100 metros pro sa categoria suta is 14

300 metros pro sa categoria a pitzu is 14

A concrusione de sa manifestatzione, su Sìndigu Marcello Ladu at premiadu is primos tres classificados de cada categoria, maschile e femminile, in un'atmosfera de festa e de brègiu.

S'Amministratzione comunale ringratziat totu is partetzipantes, is organizadores e is voluntàrios pro àere contribuidu a sa resèssida de un'eventu chi aunit isport, comunidade e traditzione.